

*Riba Dia di Betico***Ultimo dia di Expo “Rancho” na Museo Arqueologico Aruba**

ORANJESTAD - Salanan di exposicion di Museo Arqueologico Nacional Aruba lo ta habri pa publico dia 25 di Januari proximo, riba celebracion di Dia di Betico. E dia aki tambe ta e ultimo oportunidad pa bishita e exposicion temporario “Rancho” na Museo, ya cu e fecha aki Museo Arqueologico lo cera e exposicion temporario aki.

“Rancho” a habri dia 26 di Juli 2009 y tabata e prome exposicion temporario na Museo su ubicacion nobo na Schelpstraat 42 na Oranjestad, net patras di Kong Hing Supermarket den Havenstraat. “Rancho” cual a desaroya pa duna honor na historia, arquitectura y personahenan di e vecindario nobo di Museo, tabata un exposicion hopi exitoso. Muestra di esaki no tabata solamente den e interes di bishitantenan, pero mas bien pa e rol cu e exposicion a hunga den duna un estimulo pa desaroyo di plannan y proyectonan pa mehoracion di e bario.

Actividadnan y programanan educacional desaroya den cuadro di e exposicion a extende y enrikece e experiencia publico. Especialmente muchanan y



hobennan, cu ta esnan cu lo envisions planes y proyectonan den futuro, a participa activamente den diferente programanan vacacional como tambe programanan pa scol y workshops creativo. Dia di Betico por mira algun di e resultadonan di diferente

di e actividad y programanan aki.

Museo Arqueologico Nacional Aruba ta invita henter pueblo pa haci uzo di e oportunidad pa bishita nos Museo cu famia y/ of amigonan riba e dia di fiesta nacional entre 10’or di mainta pa 2’or di atardi.